

IX'ATSUCUNTI JU DANIEL



IX'ATSUCUNTI JU DANIEL

La vida de Daniel

Tepehua de Huehuetla



La Liga Bíblica

Las Sagradas Escrituras para Todos

**Ali' ats'oknut ju ts'okcanta ju
lacaSast'i Ixchivinti Dios ju tuchi
tapasalh ju ts'okcanta ju
lacaMak'ania Ixchivinti Dios**

Todas las ilustraciones son propiedad de © 1978 David C. Cook
Publishing Co., usadas con el permiso correspondiente.

1. Ju caldeonin talacchi'an ju ali'in amachak'an Judá
ju Babilonia
Israelitanin 11:32-34
3. Ju medonin chai ju persanin tat'alalhajai ju
caldeonin chai na lakalhu laclacat'un ju
talhinajun
Mateo 26:64
Marcos 13:26; 14:62
Lucas 21:27
Amavasalacalh 1:7
4. Ju Dios mak'elhtaxtui ju Daniel ju la'ixmacni ju
lionin
Israelitanin 11:32-34
5. Ju Dios malacasuni ju Daniel ni calakts'ilh ju
tach aklak'avanti acsni ucxtinin ixtajunita ju
Dario chai ju Ciro
Mateo 24:15
Marcos 13:14

Primera edición
La vida de Daniel
Tepehua de Huehuetla
tee 06-021 1.5C

©La Liga Bíblica, A.C., 2006
México, D.F.

Chai ca'alacmalakachaya' quilhmactam ixtaropajni ju jantuch cati'alacmoconilh ju lapanacni ixlhi'anea ju lhak'ailakts'inti ju lacapujitat.

'Pus ju yuch canaviyach ju taxtokni ju ix'alacjunita ju Dios ju lapanacni ni jantu catanavi ju anch lacpujitat.

'Pus ju ani ucxtin cajuna' lapanac ju lana k'ox ca'alactu'ununa'. Para ju ali'in israelitanin ch'anxtam catat'ajuna' ju ani ucxtin ixlacata ju tuchi ca'alacjuna' ni catanavi.

'Para ju ali'in ju taquiclaca'i ju ixchivinti Dios catat'alasaya' ju yuch. Pus vachu' cachina' ju avilhchan acsni caniya' ju ani ucxtin. Chai ju acsnich caminach ju anquilh ju juncan Miqui ju alaclhist'ac'a ju israelitanin.

'Ju acsni avilhchan lana k'ox ca'alina' ju lhamak'an. Para ju Dios ca'alacmak'elhtaxtuya' ju israelitanin ni ixlapanacnich tajunita ju yu'unch.

'Chai vachu' cachina' ju avilhchan acsni catata'acxtuchokoya' ju mak'ania tanitach. Pus ju ali'in ju ixtaquiclaca'itach ju ixlaclhamap'aksin ju Dios catat'atolhk'alhiyantach tus va tavananch cava. Chai ju ali'in ju jantuch ixtaquiclaca'ita ju Dios, pus ca'alacmamak'alhk'ajnik'alhicanach tus va tavananch.

Prólogo

El Antiguo Testamento es un conjunto de libros que se presenta como una de las dos secciones de la Biblia. Esos libros cuentan cómo se relacionó Dios con la gente hace mucho tiempo. Fueron escritos por israelitas, y hablan mayormente de la relación entre Dios y la gente israelita. Todos ellos fueron escritos hace más de dos mil años, durante un período que abarca unos mil años.

Este libro relata algunos eventos descritos en el Antiguo Testamento. Habla de lo que le pasó a Daniel cuando fue llevado cautivo a Babilonia cuando Nabucodonosor era el rey de esa ciudad.

Con el propósito de que este libro no fuera muy extenso y de difícil lectura, no se incluyó todo lo que contiene el Antiguo Testamento acerca la vida de Daniel. Después de haber leído este libro, le recomendamos leer todo el libro de Daniel. Este se encuentra en el Antiguo Testamento después de Ezequiel y antes de Oseas.

Ixputai'ulacan ju ats'oknut

Ju lacaMak'ania Ats'oknut alhiqui, na tijlhu lac'alhiqui ju lacts'okcanta. Pus ju ani alhiqui ix'acelhtam ts'okcanta ju tuchi ts'okcanta ju lacaBiblia. Chai ju laca'ani lac'alhiqui ts'okcanta tas ix'alacput'achivinini ju Dios ju lapanacni ju na mak'anchich. Pus ju ani lac'alhiqui israelitanin ju talacts'okta. Pus ixlacatach tas ix'alact'alaich ju Dios ju israelitanin ju lhichivininta.

Chai ca tapasatach lakat'ui milh c'ata ju xats'ojk'ocan ju ani alhiqui. Para ju ali' lac'alhiqui palaich na mak'anch ju xats'okcan.

Ju alhiqui ch'ap'at'a laminmaca' najunta ixlacata ju tuchi ts'okcanta ju lacaMak'ania Ats'oknut. Najunta tas xatapasayachalhch ju Daniel acsni ixlhi'ancanta tach tach'in ju xalak'achak'an Babilonia. Ju Daniel acsni ixlhi'ancanta ni ucxtin ixjunita ju Nabucodonosor.

Para alin atumpa taxtokni ju jantu ts'okcanta ju laca'ani alhiqui, ni palaich jantu na va kélhtank'ai cava. Pus ju chunch palaich jantu na va lhixcai ixt'achivinince lhiulacan. Vachu' iclalthimap'aksiyau ju tichi alakts'ina'it'it ju ani alhiqui, acsni alakts'ink'oya'it'it tasq'uini ni alakts'ink'ot'it ju alhiqui ju juncan Daniel. Pus ju yuch anch lhitajucan junta aclai ju Mak'ania Ats'oknut ju juncan Ezequiel. Chai anch aclai junta tai'ulai ju juncan Oseas.

tachapun cajuna', palai jantu ju ali'in. Para ju la'ixpu'ucxtin ju yuch camina' pumatam xataropa griego chai yuchach ju camakniya'.

'Pus ju anu' taropa yuchach ju sast'i ucxtin cajunchokoya'. Para ju yuch ucxtin acsni k'oxich c'atsai ni jantu lai xamati' catit'alatai'inilh ju ixpu'ucxtin acsnich ju caniya'. Chai ju yuch matich ju ixlhi'apapanatni ju lai ca'okxch'apanilh ju ixpu'ucxtin.

'Pus ju acsnich ju lak'achak'anixni quilhmact'at'ich catajuna' ni va catalhvakpitsiyach junta ixlhinajun ju yuch. Chai ju quilhmactamin cata'alinach ju ix'ucxtinin'an catajuna'.

'Ju acsnich ju xa'ucxtin Siria calhinonach ju lhinorte. Chai ju yuch ixt'alaxcai cajuna' ju xa'ucxtin Egipto ju calhinona' ju lhisur. Ju p'ulhnan palai na tachapun cajuna' ju xa'ucxtin Egipto. Chai ju astan xa'ucxtin Siria ju palai na tachapun cajumpala'. Pus p'ulhnanch na ca'alina' ju ixtachaput ju pumatam chai astanch ju apumatam.

'Acsni palai na tachapun cajuna' ju xa'ucxtin Siria ca'alina' pumatam lapanac ju lana k'ox lai ca'amakninina'. Chai vachu' lana k'ox lai ca'a'okxchok'onuna'. Pus ju acsnich yuchach ju xa'ucxtin Siria catanaviya'.

'Ju xa'ucxtin Siria cat'alasaya' ju xa'ucxtin Egipto chai cats'ank'aya' ju lakatam lasat ju xa'ucxtin Siria. Chai ju acsnich lanach k'ox catalhk'amna'.

'Pus acsni ca'anchokoya' ju la'ixlak'achak'an lana k'ox ca'alact'alatalhk'amniya' ju israelitanin.

Sumario

'Chai acsni catapasak'oyach ju lakatujun (7) c'ata, pus ju xa'ucxtin ju lasat cat'anaviyach lakatam atak'oxinti ju tam xamati'.

'Para acsni paitat antach ju lakatujun (7) c'ata ju yuch jantuch catimacaulh ni caxtaknicalh ju lhak'ailakts'inti ju si atapacxat ju Dios. Chai ju ixlhi'aclanti ju lakatujun (7) c'ata tapasak'ojutach chux ju mak'alhk'ajnat ju ixnajuntach ju Dios ni catapasaya'. Ju Dios ixnajunta ni chunch ju catapasaya' acsni tuca' aclai ju lacamunutpa'.

Tachi ix'aklak'avanti ju Daniel acsni ixta'ucxtinivi ju Ciro

Ju Ciro amachaka' Persia yuchach ju tailhi'alh ixpu'ucxtin ju xalak'achak'an Babilonia ju astan. Acsni ixta'ucxtinivi ju Ciro, ju Dios malacasunichokopa alakatam tachi ix'aklak'avanti ju Daniel.

Pus ju yuch va tachi aklak'avanti, para lana k'ox lhixcai ixjunita ju ixmachakxaca. Ju acsnich ju Daniel tapaininilh ju Dios ni ca'aklhtaijulhch ixmachakxaca. Chai ju Dios malakachanilh pumatam ix'anquilh ju laich camavasalanilh.

Ju anquilh chinich junilh:

—Pus ji Daniel ju Dios lana k'ox mapainiyan. Ju chavai k'oxich ak'esmatt'i ju tuchi acjunan. Pus ca'alinchokoya' apumat'at'i ucxtinin ju amachak'an Persia acsni tavanan camaclaya' ju ucxtin Ciro.

'Ju ixlhipumat'at'i yuchach ju palai lana k'ox mak'ali' cajuna'. Chai vachu' palai lana k'ox

1. Ju caldeonin talaclhi'an ju ali'in amachak'an Judá ju Babilonia (maxtucanta ju lacaDaniel 1-3)..... 1
 2. Ju Nabucodonosor xa'ucxtin ju Caldea lakachapui (maxtucanta ju laca 2 de Reyes 25:27-30; Daniel 4) 7
 3. Ju medonin chai ju persanin tat'alalhajai ju caldeonin chai na lakalhu laclacat'un ju talhinajun (maxtucanta ju lacaDaniel 5;7-8)..... 9
 4. Ju Dios mak'elhtaxtui ju Daniel ju la'ixmacni ju lionin (maxtucanta ju lacaDaniel 6) 15
 5. Ju Dios malacasuni ju Daniel ni calakts'ilh ju tach aklak'avanti acsni ucxtinin ixtajunita ju Dario chai ju Ciro (maxtucanta ju lacaDaniel 9-12)..... 20
- Ali' ats'oknut ju ts'okcanta ju lacaSast'i Ixchivinti Dios ju tuchi tapasalh ju ts'okcanta ju lacaMak'ania Ixchivinti Dios..... 25

ixnajunta ju lacalhamap'aksin ju ixts'okta ju
ixnajun ixchivinti Dios ju Moisés ixjuncan. Chai
vachuch ju israelitanin va ixtamaktasq'uini ju tuchi
ixtatapasata ni va ixtamalaclatach ju
ixlaclhamap'aksin ju Dios.

Ju acsnich ju Dios malakachalhch pumatam
ix'anquilh ju juncan Gabriel. Pus yuchach ju
camavasalanilh ju Daniel ju tuchi catapasayach ju
astan. Chai ju Gabriel chinich naulh:

—Ju lakatujun (7) c'ata 70 veces catapasaya'
acsni tuca' chin ju ixlhi'aclanti ju lacamunutpa'.
Chai ju acsnich avilhchan catamamactayach ju
lapanacni ixnavica ju alactu'unti. Pus va yuchach
catapast'ac'a' ixnavica ju soknic'a. Pus ju acsnich
ca'uctaxtok'oyach chux ju tuchi tanajunta ju
ixtanajun ixchivinti Dios.

'Chai ju salaka ixchaka' Dios
calak'oxiyochokocanach ni anchach ju
catalak'ayachokoya' ju ix'ask'at'an.

'Ju avilhchan acsni ca'alaclhijuna' ju ucxtin ju
israelitanin ixlak'oxica ju Jerusalén lakatujun (7)
veces tapasata. Chai catapasachokoya' 62 veces
acsni tavanan camina' ju tichi Mesías juncan.

'Para acsni catapasak'oyach ju 62 veces
ju Mesías camak'osuchokocanach ju ani
lacamunutpa'. Chai ju acsnich quilhmacamch
taropajni ju catat'alasaya' ju xalak'achak'an
Jerusalén. Pus ju acsnich ju yu'unch catalact'ilhiya'
ju pujitat chai chux ju tuchi alinch ju ixpulacni
ju anch.

Pus ju acsnich ju ucxtin Dario navilhch lakatam lhamap'aksin ju chinich ixnajun:

—Pus chux ju xalapanacni ju ani lacamunutpa' catalak'ayalhch ju Dios ju lak'ayai ju Daniel.

Ju Dios malacasuni ju Daniel ni calakts'ilh ju tach aklak'avanti acsni ucxtinin ixtajunita ju Dario chai ju Ciro

(maxtucanta ju lacaDaniel 9–12)

Tachi ix'aklak'avanti ju Daniel acsni ixta'ucxtinivi ju Dario

Ju lakatam avilhchan ju xap'ulhnan c'ata ixpu'ucxtin ju Dario amachaka' Media, ju Daniel ixt'ajun lakts'ini' ju laksalaka ixlac'alhiqui'an ju ixt'a'israelitanin. Pus anchach ju ixlacts'ok'ulacanta ju ixlac'hamap'aksin ju Dios.

Ju Daniel ixpast'ac'a ni ixnajunta ju Jeremias ni 70 c'ata catapasaya' ju catapulak'oxichokoya' ju israelitanin ju xalak'achak'an Jerusalén.

Pus ju acsnich lanach jantu tu'u' ulh acsni t'achivinilh ju Dios. Chai tapaininilh ni ca'alacmac'acxanilh ju israelitanin chux ju tuchi macxcai ju ixtanavita. Chai ni ca'alacmoconichokolh ixtolaca junta la'ixlak'achak'anch'an ixjunita.

Vachu' junilh ju Dios ni k'ox ixc'atsai ixlacata ju tuchi ixtatapasata ju israelitanin. Pus chunchach ju

Ju caldeonin talac'hi'an ju ali'in amachak'an Judá ju Babilonia

(maxtucanta ju lacaDaniel 1–3)

Ju Daniel, Mesac chai ju Abed-nego alac'hi'ancan ju Babilonia

Ju ali'in amachak'an xalacat'un Judá lana jantu ixtaquic'la'ca'i ju ixlac'hamap'aksin ju Dios. Ixlhiyuchach lhimacaulich ju Dios ni ca'alac'hi'ancalh ju xalak'achak'an Babilonia.

Ju Nabucodonosor xa'ucxtin ixjunita ju xalacat'un Caldea. Yuchach ju alac'hi'alh ju ali'in amachak'an xalacat'un Judá ju xalak'achak'an Babilonia acsni ixlhi'antach ju ucxtin Joacim. Vachu' alact'alhi'ancalh pumat'at'i ts'alan ju



Ju Daniel, Sadrac, Mesac chai Abed-nego alacch'ilhi'ancan ju xalak'achak'an Babilonia

ix'alacjuncan Daniel, Sadrac, Mesac, chai ju Abed-nego. Chai ju yu'unch ts'alan vachu' amachak'an Judá ixtajunita.

Pus ju yu'unch ts'alan ixlhiyu'unch vachu' ixtajunita ju ixt'ajun alacmatalaninini' ju k'ai ucxtin Nabucodonosor. Ju yu'unch va ixt'oncan alacmatalaninica ni yu'unchach ju catamaklhinona' ju xalacat'un Caldea.

Pus ju Dios lana k'ox ix'alac'aklhtajuta ju ixpumat'at'i'an ts'alan ni lana k'ox atalaninin catava. Chai vachu' ju Daniel ixtaknicanta ju atac'atsanti ni lai cac'atsa tijuch ju nomputun ju aklak'avanti.

Ju Nabucodonosor lana k'ox ixlhik'achanta ixlacata ju yu'unch ni lana k'ox atalaninin ixtajunita. Pus anchach ix'alact'a'ulata ju ixta'amap'aksinin ju lanach k'ox ix'alaclhilaksi.

Ix'aklak'avanti ju k'ai ucxtin Nabucodonosor

Ju lakatam avilhchan ju k'ai ucxtin Nabucodonosor pacxalh lakatam aklak'avanti. Ju acsnich alacjunilh ju ali'in ixta'alacmap'aksinin ni catajunilh ixlacata ju ix'aklak'avanti chai tijuch ju nomputun.

Ju yu'unch tanaulich ni jantu lai catitajunilh tijuch ju nomputun ju aklak'avanti tus ni jantu alacjuni ju ix'aklak'avanti. Pus ju acsnich lanach k'ox talhk'amalh ju yuch.

Ju acsnich alaclhinaulich ix'alacmaknica ixchux'an ju ixta'alacmap'aksinin ju xalak'achak'an Babilonia. Para acsni tamilh ju taropajni ch'i'inin



*Ju Daniel
mujucanta
junta
tatajumanalh
ju lack'ai
maktilin*

Chai tat'alamlakxtoklich ju chiux ju xamalhtich.
Chai ulanicalhch ju ixtapaka'ut ju k'ai ucxtin ju
anch. Ju chunch jantuch xamati' lai
catimak'elhtaxtulh ju Daniel. Para ju acsni atats'is
ju ucxtin Dario lana jantu lai lhtatalh.

**Ju Dios mak'elhtaxtui ju Daniel
ju la'ixmacni ju maktilin**

Ju alakatam avilhchan vats'isin ju ucxtin Dario
lanach va ats'ala'alh junta ixtatanumanalh ju
maktilin chai xek'elalhch ju Daniel. Chai
sacmilhch ni lai ixmak'elhtaxtuta ju ixDios ju
la'ixmacni ju maktilin.

Ju acsnich ju Daniel chinich lhimapusp'itnilh:
—Pus quimak'elhtaxtulh ji qui'ucxtin. Ju
quinDios malakachachilh pumatam ix'anquilh ju
xa'alacma'ekst'ok'a ju maktilin, ni jantu tu'u'
icnavita ju na va amacxcai cava.

Ju acsnich ju ucxtin Dario lanach k'ox k'achalh
acsni xak'esmat'a ju ixchivinti ju Daniel. Chai
alacjunilhch ju ixlapanacni ni catamaxtulhch ju
Daniel junta ixmanucanta. Pus ju yu'unch
chunchach ju xatanavi.

Acsni taxtulh lana ixchux'an ju xatalak'alakts'in
ju Daniel ni lana jantu tu'u' ixtalak'alhk'etta ju
maktilin. Pus ju acsnich ju ucxtin Dario
alac'hinaulich ix'alactamacnuca ju ix'alact'alaxcai
ju Daniel junta tatanumanalh ju maktilin.

Ju yu'unch lana jantuca' k'ox ixtatajuyacha
junta tatajumanalh ju maktilin acsni xatalack'ex'ui.

ju Daniel chai ju ixt'utun'an ix'amigojni, ju Daniel
sacmilhch ju ix'ucxtin'an ju taropajni tis ixlacatach
ju ixlhinajuntach ixnavica chunch ju ucxtin.

Chai ju yuch junilh tis ixlacatach. Pus ju
acsnich ju Daniel alhch t'achivini' ju ucxtin. Chai
tapaininilh ni camoconilh pants'iq'uis. Pus ju
ucxtin moconilh.

Pus ju acsnich ju Daniel alh ju la'ixchaka' chai
alacjunilh ju ixt'utun'an ix'amigojni tijuch ju
ixt'ajun tapasana'. Pus ju acsnich ixchux'an
tat'achivinilh ju Dios. Chai ju Dios junilh ju Daniel
tijuch ju ixlhaklak'avananta ju ucxtin. Vachu'
junilh tijuch ju nomputun ju aklak'avanti.

Ju acsnich ju Daniel lajk'alh ju ix'ucxtin'an ju
taropajni. Chai tapaininilh ni jantuch xamati'
ca'amakni ju amap'aksinin, alaich p'ulhnan calhi'alh
ju yuch junta vilhcha ju k'ai ucxtin.

Pus ju acsnich ju Daniel lhi'ancalh junta
ixvilhcha ju k'ai ucxtin Nabucodonosor. Chai
anchach ju tsucucha junini' ixlacata ju tuchi
ixlhaklak'avanantach ju ucxtin.

Pus chinich junilh:

—Jantu xamati' ju va lapanac mas lana k'ox
ca'ac'atsanalh ju lai camavasalanin ixlacata ju
min'aklak'avanti. Para ju istavasalanti Dios alin
tijuch ju masuniputunan ju tuchi catapasaya'.

'Ju lamin'aklak'avanti lakts'i pumatam tach
lapanac ju lana k'ox putank'ai junita. Ju ix'aktsulh
lana si oro junita. Ju la'ixtanquilhacni chai ju
la'ixlaemaca' si plata, ju la'ixpajan si bronce, ju

la'ixlack'atu' hierro. Para ju ixlacch'aja' va ixlhiya ju hierro ju t'un.

'Pus ju acsnich tinch pataju lakatam chiux ju lactalhpa. Para tach ju va ch'uc'u'icantach ixtasui ju anu' chiux ju lactalhpa. Junta tamacha ju chiux lana ch'ant'alalh ju tach lapanac ixlakts'int'a. Chai ju acsnich lanach laclak'o chux. Pus ju xatapuchin sunlhi'ank'o ju un.

'Pus ju anuch chiux patajuta tapala lakatam k'ai talhpa. Pus chunchach ju xalakts'in ju lamin'aklak'avanti chai chinich ju nomputun: Pus uxint'ich unit'a ju xa'aktsulh ju sich oro. Pus ju uxint'i lana k'ox tachapun'at ji ucxtin Nabucodonosor. Para camina' avilhchan acsni ca'alina' alakatam lak'achak'an ju palai jantu tachapun cajuna'. Pus yuchach ju plata. Chai acsni palai astan cajuna' ca'alinchokoya' alakatam lak'achak'an. Pus yuchach ju bronce. Chai ca'alinchokoya' ju ixlhilakat'at'i lak'achak'an. Yuchach ju hierro.”

'Pus ju la'ixch'aja' ju hierro chai ju t'un va nomputun ni catalhvakpitsiya' ju yuch lacat'un. Pus ju pumakatam palai na tachapun cajuna' chai ju apumakatam palai mati' cativa ju ixtachaput. Para ju acsnich avilhchan ju Dios canavichokoya' lakatam lacat'un ju jantuch tavanan catilact'ilhicalh.

**Ju Sadrac, Mesac chai ju Abed-nego
alactamacnucan ju laca'horno**

Para ni jantuch mak'an xajun ju Nabucodonosor navi lakatam ix santu ju si oro lhinavi. Chai

Pus ju ixlacata ju ani lhamap'aksin va pulak'ayacalh palai ju ucxtin Dario.

Ju ucxtin Dario jantu ixc'atsai tijuch ju ixtapunavita chunch ju ix'alact'alaxcai ju Daniel. Para ju yu'unch ixtanavitach ju chunch ni laich catachivixt'aka' ju Daniel ixlacata ni navitach ju alactu'unti.

Ju Daniel ixlhilanita ni pakt'utu ixt'achivinin ju istavasalanti Dios ju tamin avilhchan. Pus mas ni xac'atsaich ixlacata ju sast'i lhamap'aksin jantu xamamactai ixt'achivininca ju Dios.

Acsni xatalakts'in ju ix'alact'alaxcai ni ixt'ajun t'achivini' ju Dios lana soko ta'alh juninin ju ucxtin Dario. Pus acsni xac'atsai ju ucxtin Dario ni ixmalaclatach ju lhamap'aksin ju Daniel, pus na xcanilh ju ix'alhunut.

Pus ju ucxtin Dario lana jantu ixmamak'alhk'ajniputun ju Daniel. Para ju anu' lhamap'aksin ix'akstuch ju ixnavita, pus ixlhiyuchach ixtasq'uinich ni camuctaxtulhch.

Ju Daniel mujucan junta tatajumanalh ju maktilin

Ju acsnich alacjunilhch ju ucxtin Dario ju ixlapanacni ni catamujulhch ju Daniel junta tatajumanalh ju maktilin.

Chai chinich junilh ju Daniel:

—Tats'a jantu camak'elhtaxtuyan ju minDios ji Daniel.

Pus ju acsnich ju xalapanacni tamujulhch ju Daniel junta ixtatajumanalh ju maktilin. Chai ta'ulanilhch lakatam k'ai chiux junta putanucan.

Ju Daniel pumatam ixlhiyu'unch ixjunita ju catat'alhinona' ju ucxtin. Pus ju yuch lana na k'ox ixnavi ju ixlhich'alheat. Ju acsnich ju ucxtin Dario pastaclich ixlhca'ulaca ni yuchach ju palai xak'ai cajuna' ju ixch'alheatnin.

Pus ixlhiyuchach na talhilhaccha'anilhch ju ali'in ixt'axalapanacni ju Daniel. Chai ju acsnich tatsuculhch lhipuxconinin tayu laich catapuchivixt'aka' ju la'ix'ucxlacapu' ju ucxtin Dario ni va ixnavitach ju alactu'unti.

Pus lana k'ox ixtalhipuxconit'ajun ju ix'alactu'unti ju Daniel. Para lana jantu tu'u' lai xatalhitajuni ju amacxcai ju la'ix'atsucunti. Pus ju Daniel ixjunita xalapanac ju lana k'ox ixch'alheatnan chai na ixlhich'alheat.

Tapuxcajui tayu lai catapuchivixtaklh ju Daniel

Ju acsnich ju ix'alact'alaxcai tapastaclich ni ca lai catalhitajunilh ju catapuchivixtaklh ixlacata ju ix'alaca'inti ju la'ixmacni Dios.

Pus chunchach ju tapu'alh t'achivinin ju ucxtin chai tamanavini lakatam lhamap'aksin. Pus ju lalchamap'aksin chinich ixnajunta:

—Jantu xamati' lai catiq'uinilh lamapainin ju tam ixdios u apumatam lapanac cava chux ju tam malhquiuyu'. Pus va yuchach ju ucxtin Dario ju lai casq'uinalh lamapainin ixlacata va tuchi ixtalakxtuch ju chavai malhquiuyu'. Pus ni xamati' ju camalaclaya' ju ani lhamap'aksin catamacnucana' junta tatanumanalh ju lack'ai maktilin ju lionin ajuncan.

alacjunilh ju lapanacni ni catatakentanik'o ixchux'an chai catalak'aya acsni catalakts'ilh. Para ni xamati' ju jantu calaca'iya' ju ani lhamap'aksin, catamacnucana' ju lalacalakatam horno junta lana k'ox k'ai maktajita.

Ju acsnich ju Sadrac, Mesac chai ju Abed-nego jantu tatakentanilh nin yuch ni catalak'aya ju santu oro. Chai ju ucxtin Nabucodonosor alacmoconichokolh apaktam ni cataquiclaca'ilhch. Para ju yu'unch jantu tatakentaniputulh nin yuch ni catalak'aya. Chai chinich tajunilh:

—Pus alin xamati' ju lai aquintamak'elhtaxtun, yuchach ju Dios ju iclak'ayayau. Para mas ni jantu



Ju Sadrac, Mesac chai Abed-nego alact'atanun ju ix'anquilh Dios ju laca'horno junta na maktajita ju jipi

aquintamak'elhtaxtun, ju quijnan jantu actilak'ayau ju santu oro.

Pus acsni xak'esmat'a ju ani chivinti ju Nabucodonosor lana k'ox talhk'amalh. Chai alacjunilh ju ixlapanacni ni palai catamascaca ju horno. Chai catalacch'ilhch ju ixpumat'utu'an israelitanin chai catatamacnuluhch ju laca'horno. Pus chunchach ju xatanavi ju ixlapanacni ju ucxtin.

Ju acsnich ju horno lana k'ox pumascacacalh. Pus ju lapanacni ju ta'atamacnunulh ju laca'horno lana va acsni xatani ixlacata ju alapna'.

Ju acsnich ju k'ai ucxtin Nabucodonosor alakts'ilh pumat'at'i lapanacni ju ixtalac'alhtanat'ajun ju lacajipi. Chai ju ixlhipumat'at'i ixt'achuncha ixjunita tach ix'anquilh Dios.

Pus ju acsnich ju yuch vaninch tailajkalh ju laxamalhtich ju horno. Chai alact'asanilh lacap'asni chivinti ju ixtatanumanalh ni catataxtulhch. Chai ju acsni ju yu'unch chunchach ju xatanavi.

Pus ju ixpumat'utu'an jok'atni lana jantu tu'u' ixtalacalacalhcuta, sin mas va yuchach ni catalaclhilaca'acamilh ju jin. Pus acsni xalakts'in ju k'ai ucxtin Nabucodonosor ju tuchi tapasata ts'oklich lakatam lhamap'aksin.

Ju lalcalhamap'aksin ixnajuntach ni camamak'alhk'ajnicana' ni xamati' ju va k'aya canona' macxcai chivinti ixlacata ju ixDios'an ju Sadrac, Mesac chai ju Abed-nego.

'Ju p'ut'ek'ec'ant'a va nomputun ni put'ek'enic'ant'ach ju avilhchan ixlacata ju mimpu'ucxtin. Chai jantuch mak'an cativa ju minlak'achak'an camak'ats'ank'ayach ju ixtachaput.

'Ju makch'ixc'ant'a va nomputun ni makch'ixtan ju Dios tach ju tam lapanac acsni makch'ixa ju tu'u' cux. Chai ju uxint'i jantu chunch unit'a tach ju lacasquuin ju Dios ni a'unt'i.

'Pus ju va yuchach chivinti ju lhvakp'its'ic'ant'a va nomputun ni alhvakpitsinti cajuna' ju minlalat'un. Pus paitat catalhinona' ju medonin chai ju apaitat catalhinonach ju persanin.

Pus ju ucxtin Belsasar lanach va acsni atats'is ju maknicalh. Chai ni jantuch mak'an xajun ju xataropajni medonin chai ju xataropajni persanin tatanulhch ju xalak'achak'an Babilonia junta xa'aktsulh junita ju xalacat'un Caldea.

Pus ju acsnich sast'ich ucxtin va ju Dario amachaka' Media.

Ju Dios mak'elhtaxtui ju Daniel ju la'ixmacni ju lionin

(maxtucanta ju lacaDaniel 6)

Ju Daniel na k'ox ch'alhcatnan

Ju ucxtin Dario alaclhca'ula ju ixlapanacni ju catat'ata'ucxtiniyach ju lacat'un junta lhinajun.

ju lacapu'ucxtin ni laich canaulh ixlacata ju
ats'oknut.

Para ju Daniel chinich lhimapusp'itnilh ju
ucxtin:

—Ju quit'in jantu tu'u' iclhiulai ju
lhak'ailakts'inti. Para acjunan tijuch ju nomputun
ju anu' ats'oknut.

'Ja p'ast'ac'a ju mimpai acsni ucxtin ixjunita chai
ni na ixt'ak'ayata para ju Dios malakachapuni ju
acsni. Pus ju acsnich ju yuch lakatujun (7) c'ata ju
xa'ui ju ats'in tach ju ta'ui ju vacaxni.

'Pus acsni lakamispalhch ni palai na tachapun
junita ju Dios chai ni palai jantu ju yuch, pus
acsnich ju tak'oxinichokolh ju ix'aktsulh.

Ju Daniel juni ju Belsasar ju tuchi ats'oknulh ju maca'

'Pus ju uxint'i ji k'ai ucxtin Belsasar k'ox c'ats'ai
ixlacata tijuch ju tapasalh ju mimpai. Para mas ni
chunchach ju tapasalh, ju uxint'i p'ast'ac'a ni palai
na tachapun'at chai palai jantu ju Dios.

'Pus ju uxint'i lakp'ok'ott'ich ju vino ju
lacpumululh c'a'ulh chai ju xalactasach ju
lachelhincantacha ju la'ixpujitat ju Dios. Chai na
lacnonat'it ni na lai talacnavi ju lack'ai lhamak'an ju
minlacsantu q'uiuan.

'Ja va jantu c'ats'ai ni Dios ju lhinonk'oju ju
ixlhilacaputs'un ju lacamunutpa'. Pus yuch
xalhimacaminianch ju anu' maca' ni cats'oklich ju
ani chivinti ju chini najunta: “P'ut'ek'ec'ant'a chai
makch'ixc'ant'a chai lhvakp'its'ic'ant'a”.

Ju Nabucodonosor xa'ucxtin ju Caldea lakachapui

(maxtucanta ju laca 2 Reyes 25:27-30; Daniel 4)

Ju Daniel mavalalai ju aklak'avanti

Ju lakatam atats'is ju Nabucodonosor
ix'ucxtin'an ju caldeonin lhaklak'avanalh ni va
ixchakxtacan akatam k'ai q'uiiu. Pus ju acsnich
ju ixnajun ixchivinti Dios ju juncan Daniel
mavalalanilh ju tuchi nomputun ju ix'aklak'avanti.

Pus junilh ni va nomputun ju ix'aklak'avanti ni
lakatujun (7) c'ata ju va calakachapuya'. Chai ju
acsnich va ach'itin ju ca'uya' tach ju tu'uch vacax,
tus acsni vasch cac'atsaya' ni vasalh Dios ju
alaelhca'ulai ju ucxtinin ixlhilacaputs'un ju
xalacat'un ju ani lacamunutpa'.

Pus chunchach vasalh ju xatapasai.

Ju ucxtin Nabucodonosor lakachapui

Ju lakatam avilhchan ju ucxtin Nabucodonosor
ixpixiyalhnat'ajun la'ix'ucxni ju ixpu'ucxtin. Chai
ju acsnich ixpastacya ni lana k'ox tachapun junita
chai ni lana k'ox ix'atalanininta. Pus laich lana k'ox
ixlak'oxita ju xalak'achak'an Babilonia, ni anchach
ju laxa'aktsulh ixjunita ju xalacat'un junta lhinajun
ju yuch. Pus va yuchach ju ixlhilak'oxita ni laich
calhik'achalh ju tuchi ix'alinh ju anch lacat'un.

Pus chunchach ju xpastacya acsni tavanan xamamak'alhk'ajni ju Dios ixlacata ni na va k'ai ixc'atsan ju la'ix'atalacpast'ac'at ix'akstu.

Pus ju acsnich ju Dios navi ni lakatujun (7) c'ata ju calakachapulh. Pus acsni tapasalhch ju lakatujun (7) c'ata k'osnilhch ju ixlakachaput. Pus ju acsnich c'ata tailhi'anchokolhch ju ixta'ucxtinica ju la'ixt'un. Para ju acsnich ixc'atsaich ni na tachapun junita ju Dios chai ni navini ju soknic'a mas va tichi chavaich cava.



Ju Nabucodonosor mamak'alhk'ajnican ix'uca ju ats'in tach ju tu'u' vacax

Pus ju acsnich ju ix'amachaka' ju k'ai ucxtin Belsasar pastaclich ju Daniel. Chai ju yuch junilhch ju ucxtin tijuch ju ixc'atsai ixlacata ju Daniel.

Ju Daniel lhijuncan ju lhak'ailakts'inti

Pus ju acsnich ju ucxtin lana sok'o lhinaulh ixt'asanica ju Daniel. Chai acsni xacha'an lhijunilh ju ucxtin ju lhak'ailakts'inti ju na laklhu ixlactapalhni. Chai vachu' lhijunilh ju lhich'alheat



Acsni ixtat'ajun lack'otnin ju vino ju ucxtin Belsasar lakts'ilh k'entam maca' ju ixt'ajun ats'oknu' ju la'ixtantu' ju chaka'

ix'ak'alok'ot ni va nomputun ni ca'alina' pumatam ucxtin ju na k'ai junita calaya'. Chai ju yuch ucxtin na ca'alac'himakchapuya' ju israelitanin ni ixlapanacnich Dios tajunita.

Ju ucxtin Belsasar c'atani

Ju lakatam atats'is ju ucxtin Belsasar navi lakatam k'ai c'atan. Chai alacjunilh ju ixlapanacni ni catalac'himinilh ju lactasa chai ju lacpumululh c'a'ulh. Pus ju ani lactaxtokni yuchach ju ixlac'himintacha ju ucxtin Nabucodonosor ju laxapujitat ju xalak'achak'an Jerusalén. Chai ju acsnich lanach ixchux'an ju lapanacni ju ixtat'ajun lacpok'otnin ju vino ju lacalacpumululh c'a'ulh chai ju lacalactasach.

Chai vachu' ixtat'ajun lhilacchivinin ni lana k'ox lai talacnavi ju lack'ai lhamak'an ju ixlacsantu q'uiu'an. Pus ju acsnich lanach va tam pants'iq'uis ni talacasu ju k'entam maca' ju ixt'ajun ats'oknu' ju la'ixtantu' ju chaka' junta ixtavilanalh.

Ju ucxtin Belsasar lakts'in k'entam maca' ju ixt'ajun ats'oknu'

Acsni lakts'ilh ju ucxtin Belsasar ju maca' chai ju ats'oknut lana k'ox talhanalh. Pus ju acsnich lanach va ts'alhti alac'hinaulh ix'alact'asanica ju xalac'atalaninin ju xalak'achak'an Babilonia.

Ju ucxtin Belsasar ixpast'ac'a ni yu'unchach ju lai catajunilh tijuch ju ix'ats'oknunta ju anu' maca'. Para ju acsnich lana jantu xamati' lai machakxa ju anu' ats'oknut.

Ju medonin chai ju persanin tat'alalhajai ju caldeonin chai na lakalhu laclacat'un ju talhinajun

(maxtucanta ju lacaDaniel 5; 7–8)

Ix'aklak'avanti ju Daniel ixlacata ju lakat'at'i atapacxat

Ju pumatam ists'alh ju k'ai ucxtin Nabucodonosor Belsasar lhimapaka'ucalh. Pus ju Belsasar cha'alh ju la'ixpu'ucxtin tach ju ixjunitach ju ixpai. Chai ju acsnich ju Dios pakt'ui malacasunilh ju Daniel la'ix'aklak'avanti ju tuchi catapasayach ju atipu'anta.

Pus ju p'ulhnan aklak'avanalh lakts'ilh lakat'at'i lac'atapacxat ju ixtat'ac'ut'achilh ju laca'alama.

Ju acsnich ju Daniel sacmi pumatam anquilh ju vanin ixt'aya tijuch ju ixnomputun ju chunch aklak'avanti. Chai ju anquilh chinich junilh:

—Ju lakat'at'i atapacxat va nomputun ni lakat'at'i lack'ai lacat'un ju catalhinona' ju ali' xalac'acat'un.

Chai vachu' chini junilh:

—Ju ixlhilakat'at'i atapacxat va nomputun ni ca'alina' lakatam lacat'un ju palai lana k'ox tachapun cajuna'. Palai jantu ju ali'in. Chai ju lakacau (10) ix'ak'alok'ot ixpacxanta ju la'ix'aktsulh va nomputun ni ca'alina' pumacau (10) ucxtinin. Pus ju yu'unch ucxtinin catalhinona' lacts'unin ju xalacat'un ju ixlhilacaputs'un ju lacamunutpa'.

Chai vachu' junilh ju Daniel ni lakts'ilh ni p'ununilh lakatam lacat'icst'i ix'ak'alok'ot ju la'ixlacaitat ju lakacau (10) ixlac'ak'alok'ot. Chai ju yuch va nomputun ni ca'alina' pumatam ucxtin ju lana jantu catiquiclaca'iputulh ju ixlac'hamap'aksin ju Dios. Chai vachu' lana k'ox ca'alac'himakchapuya' ju catalak'ayaya' ju Dios.

Vachu' junilh ju anquilh ju Daniel ni na camamak'alhk'ajniya' ju Dios ju anu' lapanac. Chai vachu' junilh ni camalakachatachilh ju Dios ju ists'alh ju tach lapanac catsucuya'. Chai Yuchach ju calhinonk'alhiya' ju ixlhilacaputs'un ju lacamunutpa'.

Alakatam ix'aklak'avanti ju Daniel ixlacata ju calhnilu chai ju tentson

Pus acsni tapasalh ju lakat'ui c'ata ju Dios malacasunichokopa alakatam tach ju va ix'aklak'avanti ju Daniel. Ju acsnich lakts'ilh lakatam xapai calhnilu ju ixpacxanta lakat'ui ix'ak'alok'ot. Para ju lakatam ix'ak'alok'ot palai lhman ixjunita. Palai jantu ju alakatam.

Pus ju yuch calhnilu lana k'ox tachapun ixjunita. Para milh lakatam xapai tentson ju xat'alalhajai ju yuch. Pus ju anu' tentson va lakatam ix'ak'alok'ot ixpacxanta ju lana k'ox lhman ixjunita ju la'ixmuntsan.

Para ju ani ix'ak'alok'ot ju anu' tentson va tat'ek'enilh. Pus ju ix'okxtapalhni ju yuch lacxajnichokochilh ak'ent'at'i ixlac'ak'alok'ot. Para ju lakatam ix'ak'alok'ot xajnichilh palai na lacat'icst'i ixjunita.

Pus ju yuch va nomputun ni ca'alina' pumatam lapanac ju lana k'ox calhit'ak'ayaya' ju ix'atalaninti. Chai na lhu taxtokni ju canaviputuna' chai vachu' calact'ilhiya' ju pujitat junta lak'ayacan ju Dios. Chai jantu catilacasq'uilh ni calhi'ancalh ju lhak'ailaktsinti ju la'ixpujitat Dios.

Ju Daniel vachu' k'esmatnilh ju pumatam anquilh acsni naulh ni calak'oxiyochokocana' ju anu' pujitat.

Ju Daniel k'esmat'a ju ixchivinti ju anquilh Gabriel

Ju acsnich ju Dios malakacha ju pumatam ix'anquilh ju juncan Gabriel ni camavasalanilh ju Daniel ixlacata ju tuchi lakts'ilh. Pus junilh ni xa'ucxtinin ju xalacat'un Media chai ju xalacat'un Persia ixlhitalacxtui ju calhnilu. Chai yu'unchach ju catalhinona' ju astan.

Ju tentson griegonin talhitalacxtui ni yu'unchach ju catalhinona' ju na astanch. Pus p'ulhnan catalhinona' ju medonin chai ju persanin.

Chai vachu' junilh:

—Ju p'ulhnan ix'ak'alok'ot ixpacxanta ju tentson lhitalacxtui ni yuchach ju p'ulhnan xa'ucxtin ju la'ixlacat'un'an griegonin cajuna'.

'Pus ju k'ent'at'i ix'ak'alok'ot ju t'ak'aya ix'okxtapalhni ju tat'ek'enilh va nomputun ni ca'alina' pumat'at'i ucxtinin ju astan. Chai ju yu'unch va catalhvakpitsiya' ju xalacat'un junta ixlhinajun ju p'ulhnan ucxtin ixjunita.

Vachu' junilh ni calaklhvak'ulacana' ju lakatam lacat'un. Chai quilmact'at'i ca'anavicana' ju xalapanacni. Chai vachu' junilh ixlacata ju lacat'icst'i